



ԳԵՐԱԳՈՅՆ ՂՈԳԵԻՈՐ ԽՈՐՎՐԴԻ ՅԱՅՏԱՐԱՐՈՒԹԻՒՆԸ

(Մայր Աթոռ Սուրբ Էջմիածին, 27 հոկտեմբերի, 2020 թ.)

Արցախի Հանրապետությունն արդեն մէկ ամիս դիմակայում է Ադրբեջանի զինուած ուժերի լայնածաւալ յարձակմանը, որին բացայայտ իր մասնակցութիւնն է բերում Թուրքիան՝ ներգրաւելով ինչպէս միջազգային ահաբեկչական խմբաւորումների վարձկան զրոհալիւնների, այնպէս էլ թուրքական բանակի յատուկ ջոկատալիւնների եւ մատակարարելով գերժամանակակից մեծաքանակ զէնքեր: Ադրբեջանի ռազմաֆաղափական ղեկավարութիւնը, այս ընթացքում կիրառելով իր ողջ զինանոցը, այդ թւում եւ միջազգայնօրէն արգելուած զինատեսակները, թիրախաւորում է Արցախի բնակավայրերը, նաեւ խնամատարական, կրթական, մշակութային եւ պաշտամունքային նշանակութեան բազմաթիւ շինութիւններ, ընդհուպ՝ Ստեփանակերտի ծննդատունը, ինչն աննախադէպ վարձագիծ է՝ անգամ ահաբեկչական խմբաւորումների վարձագծի տեսանկիւնից: Հայրենիքի պաշտպանութեան սրբազան պայքարում ունեն՛ք հարիւրաւոր վիրաւոր եւ նահատակ զինուորականներ, բնակավայրերի հրետակոծութեան հետեւան՛քով կան բազում վիրաւորուածներ եւ զոհեր խաղաղ բնակչութեան մէջ:

Արցախի ժողովրդի հանդէպ իրականացուած այս ռմբակոծութիւնների համար Ադրբեջանի Հանրապետութեան նախագահ Իլհամ Ալիււր, ինչպէս նաեւ այդ ռմբակոծութիւններին աջակցող եւ անմիջական մասնակից ռազմաֆաղափական միւս գործիչները պէտք է կանգնեն միջազգային դատական ատենանների առջեւ եւ պատասխանատուութեան ենթարկուեն իբրեւ մարդկութեան դէմ ուղղուած յանցագործութիւնների կազմակերպիչներ:

Գերագոյն հոգեւոր խորհուրդը կոչ է անում միջազգային հանրութեանը, ի մասնաւորի ԵԱՀԿ Մինսկի խմբի համանախագահող երկրներին, հաւատարիմ հակամարտութեան խաղաղ ճանապարհով կարգաւորման սկզբունքներին, առաւել գործնական, ազդեցիկ ու վճռական միջոցներ գործադրել արիւնահեղութեան կասեցման, տարածաշրջանում խաղաղութեան վերահաստատման

և արցախահայության ինֆնորշման և պարզապես մարդկանց կեանքի, ապրելու իրատունքի իրացման համար: Արցախի հարցը ռազմական ճանապարհով վճռելու, արցախահայութեանը բնաջնջելու Ադրբեջանի ֆաղափականությունը վերստին փաստում է այն իրողությունը, որ Արցախի համար չի կարող լինել անվտանգության երաշխիք Ադրբեջանի կազմում:

Գերագույն հոգեւոր խորհուրդը բարձրօրէն գնահատում է Մինսկի խմբի համանախագահող երկրների հետեւողական ջանքերը՝ ուղղուած մարդասիրական հրադադարի հաստատմանը և պահպանութեանը, որը երրորդ անգամը լինելով, բացայայտ խախտում է Ադրբեջանի կողմից: Կիսայոյս ենք, որ Մինսկի խմբի համանախագահողների կողմից կը գտնուեն արցախեան հակամարտութեան հանգուցալուծման ուղիներ, և մարդկային անմեղ կեանքները չեն զոհաբերուի սոսկ աշխարհափառական շահերին: Այսօր Արցախը կարիք ունի համայն աշխարհի հումանիտար աջակցութեան:

Աղօթում ենք, որ Տէրն օրհնի Հայաստան և Արցախ մեր հայրենի երկիրը, ամենագոր Իր Սուրբ Աջի հովանու ներքոյ յոյսով ու հաւատով զօրաւոր ու միասնական պահի մեր ժողովրդին և զօրացնի բազուկը հայրենեաց մեր ֆաջարի պաշտպաններին:

Թող ամենողորմ Աստուած խաղաղութեան մէջ պահի համայն աշխարհը՝ զերծ պատերազմի արհաւիրքներից, ցաւերից ու վշտերից:

